

**PROCEDEMENTO:** CT302B. Cultura no Camiño 2022

**ASUNTO:** Resolución da subvención do Programa Cultura no Camiño 2022.

### **ANTECEDENTES ADMINISTRATIVOS**

1. O 6 de xuño de 2022 (DOG núm 107), publícase a Resolución do 18 de maio de 2022, pola que se establecen as bases de subvencións, en réxime de concorrencia non competitiva, para o fomento das artes escénicas e musicais nos concellos da Comunidade Autónoma de Galicia, polos que discorren os diferentes camiños de Santiago, con motivo do Xacobeo 21.22, e se convocan para o ano 2022 (CT 302B).
2. A base primeira establece que esta subvención irá destinada a cofinanciar programacións culturais realizadas por entidades locais polas que discorren os diferentes camiños de Santiago, co motivo do Xacobeo 21.22.
3. A base décimo primeira das bases establece que na concesión de subvencións seguirase un procedemento abreviado no que o informe e a proposta de resolución serán efectuados nun único acto da Dirección da Axencia, que o elevará á Presidencia do Consello Reitor da Agadic para a súa aprobación posterior, consonte o procedemento previsto nos artigos 19.2 e 22 da Lei 9/2007, do 13 de xuño, de subvencións de Galicia.
4. As solicitudes de subvención examinaranse e serán outorgadas sempre que cumpran os requisitos exixidos nesta convocatoria ata esgotamento de crédito, por orde cronolóxica, tendo en conta a data de entrada no rexistro.
5. Con data 30 de xuño de 2022, o director da Agadic, trala instrución do expediente, emite a proposta de resolución de concesión da subvención.

### **CONSIDERACIÓNS LEGAIS E TÉCNICAS**

É competente para a resolución de concesión da axuda o Presidente do Consello Reitor da Agadic, por delegación deste (disposición adicional do Acordo de 24 de xullo de 2012, DOG, núm.164, do 29 de agosto) de conformidade co disposto na base décimo segunda da



Resolución do 18 de maio de 2022, pola que se establecen as bases de subvencións, en réxime de concorrencia non competitiva, para o fomento das artes escénicas e musicais nos concellos da Comunidade Autónoma de Galicia, polos que discorren os diferentes camiños de Santiago, con motivo do Xacobeo 21.22, e se convocan para o ano 2022, debendo ditar resolución expresa, no prazo de 15 días dende a data de elevación sa proposta de resolución.

Examinada a proposta de resolución do director da Agadic, e de conformidade con ela,

**RESOLVO:**

1. Conceder subvención ás seguintes entidades locais que cumpren o establecido na convocatoria, e nas contías que se sinalan a continuación:

Nº REXISTRO	DATA	HORA	CONCELLO	NIF	PROVINCIA	HABITANTES	IMPORTE SUBVENCIONADO
2022/1612791	20/06/2022	09:37	Ribeira	P1507400H	A Coruña	26839	3.500 €
2022/1615041	20/06/2022	11:12	Pontecesures	P3604400F	Pontevedra	3081	2.500 €
2022/1625762	21/06/2022	10:22	Vilariño de Conso	P3209300G	Ourense	513	2.500 €
2022/1625960	21/06/2022	10:29	Friol	P2702000G	Lugo	3682	2.500 €
2022/1627031	21/06/2022	11:08	Ames	P1500200I	A Coruña	31993	3.500 €
2022/1629905	21/06/2022	13:03	Melide	P1504700D	A Coruña	7427	2.500 €
2022/1630793	21/06/2022	13:37	A Rúa	P3207300I	Ourense	4245	2.500 €
2022/1643517	22/06/2022	13:13	Sanxenxo	P3605100A	Pontevedra	17635	2.500 €
2022/1655717	23/06/2022	13:32	Teo	P1508300I	A Coruña	18778	2.500 €
2022/1656615	23/06/2022	14:20	Neda	P1505600E	A Coruña	5032	2.500 €
2022/1664017	27/06/2022	08:25	Soutomaior	P3605300G	Pontevedra	7482	2.500 €
2022/1671528	27/06/2022	14:52	Ordes	P1506000G	A Coruña	12605	2.500 €
2022/1685263	28/06/2022	13:50	O Rosal	P3604800G	Pontevedra	6376	2.500 €
2022/1699243	29/06/2022	14:35	Vilasantar	P1509100B	A Coruña	1219	2500 €

Contra a presente resolución da convocatoria, que pon fin a vía administrativa, poderanse interpoñer os seguintes recursos, sen prexuízo de que os interesados poidan exercer calquera outro que consideren procedente:



- a) Recurso potestativo de reposición ante a Presidencia do Consello Reitor da Agadic, no prazo dun mes contado a partir do día seguinte ao da notificación da resolución, se esta fose expresa.
- b) Recurso contencioso-administrativo ante os Xulgados do Contencioso Administrativo de Santiago de Compostela, no prazo de dous meses contados desde o día seguinte ao da notificación da resolución, se esta fose expresa.

Notifíquese a resolución ás entidades interesadas, de conformidade co establecido na lei de procedemento administrativo común das administracións públicas.

O presidente do Consello Reitor da Agadic

Román Rodríguez González

